

女科證治彙編

五之四

喘  
月水不調  
赤白痢  
遺尿  
小便不禁  
陰脫玉門不閉

鼻衄  
月水不通  
大便秘澀  
淋悶  
小便出血  
陰蝕

血崩  
瀉利  
大小便不通  
小便數  
大便下血  
乳少

內閣文庫	漢
函	冊
架	號
六	一
五	一
九	一
一	一


漢書門	類
函	號
架	冊
六	一
五	一
九	一
一	一

內閣文庫	漢
番號	13011
冊數	65 ( 44)
函號	301 63





醫學金匱  
察書



喘

產後喘極危多死也 郭產後喉中氣急喘促者  
 何若曰榮者血也衛者氣也榮行脉中衛行脉外相  
 隨上下謂之榮衛因產所下過多榮血暴竭衛氣無  
 主獨聚肺中故令喘也此名孤陽絕陰為難治若惡  
 露不快敗血停疑上熏於肺亦令喘急但服奪命丹  
 胞衣血去喘自定 陳無擇評曰產後喘急固可畏  
 若是敗血上熏於肺猶可責効奪命丹若感風寒或  
 因憂怒飲食鹹冷等奪命丹未可均濟况孤陽絕陰  
 乎若榮血暴絕宜大料煮芩藜湯亦可救傷風寒宜

喘

喘

女科

百五



旋覆花湯性理鬱發宜小調經散用桑白皮杏仁煎湯調下傷食宜服見睨丸五積散等藥湯前證若脾肺氣虛弱用六君桔梗若兼外邪更加紫蘇若中氣虛寒用補中益氣加炮薑肉桂若陽氣虛脫更加附子若瘀血入肺急用二味參蘇飲一產婦喘促自汗手足俱冷常以手護臍腹此陽氣虛脫用參附湯四劑而愈浦江吳輝妻孕時足腫七月初旬產後二月洗浴即氣喘但坐不得卧者五個月惡風得暖稍寬兩關脈動尺寸皆虛百藥不效用牡丹皮苑仁桂枝茯苓乾薑枳實厚朴桑白皮紫蘇五味瓜

芩仁煎湯服之即寬二三服得卧其痰如失蓋作汚血感寒治之也

**血竭散** 治產後敗血衝心胸滿上喘命在須臾宜服

真血竭如無紫山沒藥

右等分研細頻篩再研取盡為度每服貳錢用童便合好酒半大盞煎一沸溫調下方產下一服上床良久再服其惡血自循經下行更不衝上免生百病

雲岐參蘇飲 治產後血入於肺面黑發喘欲死者



人參壹兩

蘇木貳兩

右以水兩碗煮取蘇木壹碗以下去渣調勻未隨時加減服神效

表

旋覆花湯

治產後傷風寒喘咳嗽痰涎壅盛坐卧

不寧

旋覆花

赤芍藥

荆芥穗

半夏麴

前胡

甘草炙

茯苓

五味子

杏仁去皮尖

麻黃各等分

一方芍藥茯苓多一倍

右以水每服四錢水壹盞半生薑參片棗壹枚煎

裏 虛

至柴分去滓食前溫服有汗者不宜服

若傷鹹冷飲食而喘者宜見見前

五味子湯

治產後喘促脉伏而厥

五味子杵炒

人參

杏仁各貳錢

麥門冬去心

陳皮各壹錢

右薑參片棗貳枚水煎服

大補湯

治產後百白外面青浮腫唇白氣急有汗

乃大虛之證急宜服此

當歸頭

大川芎

大白朮

白芍藥

白茯苓多

人參多

產後喘

女科

百五十一



黄芪多

五味子

熟地黄

乾薑 上下

甘艸 少

右剉散水煎服此二貼不退即加川烏木香另磨入服有瀉加訶子肉豆蔻栗殼

*[Faint bleed-through text from the reverse side of the page]*

鼻衄

郭產後口鼻黑氣起及鼻衄者何答曰陽明者經脈之海起於鼻交頰中還出頰口交人中左之右右之左產後氣虛血散榮衛不理散亂入於諸經却還不得故令口鼻黑氣起及變鼻衄此緣產後虛熱變生此證胃絕肺敗不可治 經驗方云急取緋線壹條并產婦頂心髮兩條緊繫中指節上即止無藥可治亦禳厭之一端也 薛按胃脈俠口繞承漿蓋鼻隼屬脾土鼻孔屬肺金誠胃虛肺損氣脫血死之證急用二味參蘇飲加附子五錢亦有得生者 汪一婦

產後鼻衄

女科

百病



產後血逆上行鼻衄口乾心躁舌黑蓋因瘀血上升  
遂用益母丸貳九童便化下鼻衄漸止下血亦通

產後血逆上行鼻衄口乾心躁舌黑蓋因瘀血上升  
遂用益母丸貳九童便化下鼻衄漸止下血亦通

固經血崩

陳產後血崩者何答曰產卧傷耗經脉未得平復勞  
役損動致血暴崩淋瀝不止或因酸鹹不節傷毒榮  
衛衰弱亦變崩中若小腹滿痛肝經已壞為難治急  
服固經丸以止之陳無擇評曰血崩不是輕病况  
產後有此是謂重傷恐不止鹹酸不節而能致之多  
因驚憂恚怒臟氣不平或產後服斷血藥早致惡血  
不消鬱滿作堅亦成崩中固經丸自難責効不若大  
料煮芩薊湯加芍藥候定續次隨證諸藥治為得  
薛前證若血滯小腹脹滿用失笑散血少小腹虛

產後血崩

女科

百五



症等芎藭湯肝火血妄行加味道遙散脾鬱不統血加  
味歸脾湯脾氣虛不攝血補中益氣湯厚味和熱傷  
血清胃散加槐花風熱相搏傷血四君子防風枳殼  
一產婦血崩小腹脹痛用破氣行血之劑其崩如  
湧四肢不收惡寒嘔吐大便頻瀉余用六君加炮黑  
乾薑四劑稍愈又以十全大補三十餘劑而痊一  
產婦血崩因怒其血如湧仆地口噤目斜手足抽搐  
此肝經血耗生風余用六味丸料一劑諸證悉退但  
食少嗜熱佐以四君柴胡牡丹皮而愈  
固經丸

艾葉

赤石脂

補骨脂

木賊

附子

右為末陳米飯和丸如梧子大每服貳拾丸食前  
溫酒下米飲亦可

芎藭湯加芍藥方

芎藭

當歸

芍藥

右咬咀每服肆錢水壹盞半煎至柒分去滓熱服  
無時

熟乾地黄散治產後崩中頭自旋運神患昏迷四肢  
煩亂不知人事

產後血崩

文并五

百五三



熟乾地黄

伏龍肝

黃芪

赤石脂各壹兩

阿膠

甘草

白朮

艾葉炒

川芎

人參各半兩

當歸半錢

右吹咀每服肆錢水壹盞半薑叁片煎至柒分去滓温服

白芍藥散

治產後崩中下血淋瀝不絕黃瘦虛損

白芍藥

牡蠣

乾薑

熟乾地黄

桂心

黃耆

烏賊魚骨

鹿角膠

龍骨各壹兩

右為末每服貳錢食前温酒下

又方

赤石脂

熟地黄各壹兩

鹿茸

牡蠣

當歸各半兩

右為細末食前以粥飲調下貳錢

阿膠丸 治產後崩中下血不止虛羸無力

阿膠

赤石脂各壹兩

續斷

川芎

當歸

甘草

丹參各壹兩

龍骨

鹿茸酥炙

烏賊魚骨

鼈甲炙各貳兩

右煉蜜丸如梧桐子大空心温酒下貳叁拾丸



菖蒲酒 治產後崩中下血不止 菖蒲壹兩半以

酒貳盞煮取壹盞去滓分溫三服食前

瑞蓮散 治產後惡血崩漏狀如泉水

瑞蓮百枚燒存性 棕櫚燒存性 當歸

桂心各壹兩 鯉魚鱗燒 川芎各柒錢半 檳榔貳枚

右為細末每服叁錢煨薑酒調下如未止更進一服或非時血崩無藥可治但進三服即止

補遺治產後血崩 香附子炒赤貳兩 蓮蓬殼伍枚燒存性

右為末米飲調下貳錢

產後血崩素有熱者奇効四物湯良方見血崩

月水不調

大產後月水不調者由產傷動血氣虛損未復而風

邪冷熱之氣客於經絡乍冷乍熱冷則血結熱則血

消故令血或多或少或在月前或在月後故名不調

也 薛前證若過期而作痛者氣血俱虛也八珍加

柴胡丹皮不及期而來血熱也四物山梔柴胡將來

而作痛者血實也四物加桃仁紅花過期而來者血

虛也四物加參朮紫黑成塊者血熱也四物加炒梔

炒連丹皮作痛而色淡者痰多也四物合二陳治當

臨證制宜 一產婦月經不調內熱燥渴服寒涼之

產後月水不調 女科 卷五 五十七



劑血更如崩腹脹寒熱作嘔少食用六君子二十餘劑諸病悉愈以加味逍遙散調理而安

琥珀散 治產後經脉不調四肢痲疼飲食全少日

漸羸瘦

琥珀

牛膝

生乾地黄

當歸 各壹兩

桃仁

赤芍藥 各半兩

右為粗末每服參錢水壹盞薑參片煎至陸分去

滓服

薑黃丸 治產後虛之不足胸心短氣腹內緊急腰

背疼痛月水不調食少煩渴四肢無力

薑黃

當歸

熟地黄

牡丹皮

厚朴 製

桂心

川芎

續斷

菴仁

白朮 各壹兩

赤芍藥

水香 各柒錢半

羚羊角屑 貳錢半

右為細末煉蜜丸如梧子大每服參拾丸食前温

酒下

產後月水不調

五



產後月水不通

大夫產傷動於血氣其後虛損未復而為風冷所傷  
 血之為性得冷則凝結故風冷傷於經血結於胞絡  
 之間故令月水不通也凡血結月水不通則成血瘕  
 水血相併復遇脾胃衰弱肌肉虛者則為水腫也  
 婦人衝任之脉為經絡之海皆起於胞內而手太陽  
 小腸之經手少陰心之經此二經上為乳汁下為月  
 水若產後月水不通者蓋新產之後勞傷氣血或去  
 血過多乳汁通行自是不通若乳子歲半或二歲之  
 內而月經不行此是常候即非病也何必通之諺云

產後月水不通

女科五

百五十九

產後月水不通  
 此症多因血虛  
 或因血結  
 或因血滯  
 或因血寒  
 或因血熱  
 或因血燥  
 或因血濕  
 或因血毒  
 或因血瘕  
 或因血痞  
 或因血疝  
 或因血癥  
 或因血瘕  
 或因血痞  
 或因血疝  
 或因血癥



妳假是也若半歲而行者或四五箇月便經行者皆是少壯血盛之人注受極易產乳必衆其子失乳必四肢尪羸壯火青筋頭大髮焦好啖泥土病名無辜若經血有餘者不可以藥止之若產後一二歲月經不通而無疾苦何必服藥或勞傷氣血衝任脉虛氣血衰少而不能行者但服健脾胃資氣血之藥自然通行若用牛膝紅花蘇木乾漆蜜蟲水蛭等藥以通之則爲害滋大經水枯竭則無以滋養其能行乎初虞世所謂譬猶索萬金於乞丐之手雖捶楚並下而不可得也後之學者更宜詳審而療之

**薛前證脾**

胃虛弱用六君子湯若兼鬱火傷脾用歸脾湯加丹皮山梔若怒火傷血宜用四物合小柴胡氣血俱虛用八珍牡丹皮仍參前論主之 一產婦月經年餘不通內熱晡熱服分氣丸經行不正惡寒作渴食少倦怠胸滿氣壅朝用加味道遙散夕用四君子湯月許諸證稍愈佐以八珍湯兼服兩月而愈

以上三證宜於調經門中參看通用



婦科 卷之三 三

婦人產後腹痛及瀉利者何 答曰產後腸胃虛怯寒邪  
易侵若未滿月飲冷當風乘虛襲留於胃膜散於腹  
脇故腹痛作陣或如錐刀所刺流入大腸水穀不化  
洞泄腸鳴或下赤白眩脇填脹或痛走不定急服調  
中湯立愈若醫者以為積滯取之禍不旋踵謹之謹  
之 陳無擇評曰產後下痢非止一證當隨所因而  
調之既云飲冷當風何所不至寒熱風濕本屬外因  
喜怒憂思還從內性况勞逸飢飽皆能致病若其洞  
泄可服調中湯赤白滯下非此能愈各隨門類別有

瀉利

郭產後腹痛及瀉利者何 答曰產後腸胃虛怯寒邪  
易侵若未滿月飲冷當風乘虛襲留於胃膜散於腹  
脇故腹痛作陣或如錐刀所刺流入大腸水穀不化  
洞泄腸鳴或下赤白眩脇填脹或痛走不定急服調  
中湯立愈若醫者以為積滯取之禍不旋踵謹之謹  
之 陳無擇評曰產後下痢非止一證當隨所因而  
調之既云飲冷當風何所不至寒熱風濕本屬外因  
喜怒憂思還從內性况勞逸飢飽皆能致病若其洞  
泄可服調中湯赤白滯下非此能愈各隨門類別有

產後瀉利



正方 薛產後瀉痢或因飲食傷損脾土或脾土虛不能消食當審而治之若米食所傷用六君加穀蘖若麵食所傷用六君加麥蘖若肉食所傷用六君加山查神麴凡兼嘔吐皆加藿香若兼噯酸或嘔吐用前藥送越鞠丸若肝木來侮脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真氣宜加木香肉果若脾土虛寒當用六君子加木香薑桂若脾腎虛寒用補中益氣及四神丸若屬命門火衰而脾土虛寒用八味丸以補土厚若小便

瀉滯肢體漸腫或兼喘咳用金匱腎氣丸以補脾腎利水道若胃氣虛弱而四肢浮腫治須補胃為主若久而不愈或非飲食所傷而致乃屬腎氣虧損蓋胞胎主於任而繫於腎况九月十月乃腎與膀胱所養必用四神六味八味三藥以補腎若用分利導水之劑是虛其虛也 一產婦瀉痢發熱作渴吐痰甚多肌體消瘦飲食少思或胸膈痞滿或小腹脹墜年餘矣余以為脾胃瀉朝用二神丸夕用六君子三月餘而痊 一婦產後泄瀉兼嘔吐噯酸面目浮腫此脾氣虛寒先用六君加炮薑為主佐以越鞠丸而噯酸



愈又用補中益氣加茯苓半夏而脾胃康 一產婦  
瀉利年餘形體骨立內熱晡熱自汗盜汗口舌糜爛  
日吐痰三碗許脈洪大重按全無此命門火衰脾土  
虛寒而假熱吐痰者乃脾虛不能統攝歸源也用八  
味丸補火以生土用補中益氣湯兼補肺金而脾胃  
健 一產婦腹痛後重去痢無度形體倦怠飲食不  
進與死為鄰此脾胃俱虛用四神丸十全大補湯而  
愈但飲食難化肢體倦怠用補中益氣湯而康 一  
婦人五月患痢日夜無度小腹墜痛發熱惡寒用六  
君子湯送香連丸二服漸愈仍以前湯送四神丸四

服全愈至七月終怠惰嗜卧四肢不收體重節痛口  
舌乾燥飲食無味大便不實小便頻數洒淅惡寒悽  
慘不樂此肺之脾胃俱虛而陽氣寒不伸也用升陽  
益胃湯而痊 汪石山治一婦產後滑泄勺水粒米  
弗容時即泄下如此半月餘衆皆危之或用五苓散  
平胃散病益甚汪診之脈皆濡緩而弱曰此產中勞  
力以傷其胃也若用湯藥愈滋胃濕非所宜也今以  
參苓白朮散除砂仁加陳皮肉豆蔻煎薑棗湯調服  
旬餘而安

丹治產後泄瀉惡露不行此餘血滲入大腸為瀉洞



泄不禁下青白黑色用荆芥大者肆伍穗於盞內燒  
灰不得犯油火入麝香研湯三呷調下此藥雖微能  
治大病方名的奇散  
產後泄方

茯苓

川芎

黃芩

白朮

乾薑

滑石

陳皮

芍藥

炒各

右水煎服之

調中湯

高良薑

當歸

桂心

芍藥

附子炮

川芎

各壹兩

甘草半兩

右為粗末每服參錢匕水參盞煎至壹盞去滓熱服

右方惟寒中洞泄者宜之其腸胃有熱者當服黃連而愈如如金丸香連丸之類若戊巳丸固腸丸四神丸五味子丸之類皆產後大便不實必用之藥已詳載雜病及前泄瀉門中茲不贅引



產後痢疾者由產勞傷臟腑不足日月未滿虛乏  
 未復或勞動太早或誤食生冷若行起太早則外傷  
 風冷乘虛入於腸胃若誤食生冷難化之物傷於脾  
 胃皆令洞泄水瀉甚者變為痢也若血滲入大腸則  
 為血痢難治世謂之產子痢也得冷則白或如魚腦  
 得熱則赤黃或為驟血若冷熱相搏則下痢赤白或  
 膿血相雜若下痢青色則極冷也若飲食不進便利  
 無常日夜無度產後本虛更加久痢不止無力瘦乏  
 愈見羸弱謂之虛羸下痢又有產後氣宇不順而下

赤白痢

[大]產後痢疾者由產勞傷臟腑不足日月未滿虛乏  
 未復或勞動太早或誤食生冷若行起太早則外傷  
 風冷乘虛入於腸胃若誤食生冷難化之物傷於脾  
 胃皆令洞泄水瀉甚者變為痢也若血滲入大腸則  
 為血痢難治世謂之產子痢也得冷則白或如魚腦  
 得熱則赤黃或為驟血若冷熱相搏則下痢赤白或  
 膿血相雜若下痢青色則極冷也若飲食不進便利  
 無常日夜無度產後本虛更加久痢不止無力瘦乏  
 愈見羸弱謂之虛羸下痢又有產後氣宇不順而下

產後赤白痢

女科

百六十五



痢赤白謂之氣痢治之之法熱則涼之冷則溫之冷熱相搏則調之滑者澁之虛羸者補之水穀不分者當利小便若產婦性情執著不能寬解須當順其氣未有不<sub>二</sub>不安者<sub>一</sub>也薛前證白屬氣分而赤屬血分也其論詳見瀉利一產婦食雞子腹中作痛面色青黃服平胃二陳更下痢腹脹用流氣飲子又小腹一塊不時上攻飲食愈少此脾胃虛寒肝木尅侮所致用補中益氣加木香吳茱漸愈又用八珍大補兼服調理尋愈一婦產後痢未至月滿因食冷物及酒冷熱與血攻擊滯下純血纏墜極痛其脉大無力口

乾用黃芩芍藥湯三服而安

熊治產後赤白痢證用四君子湯加黃耆粟殼神效雲救急散治產後赤白痢腹中絞痛

芍藥

阿膠

艾葉

熟地黄各壹兩

甘草

當歸各叁兩

右咬咀水煎分二服空心飲

大當歸芍藥散治妊娠腹中絞痛心下急痛及療產後血暈崩中久痢方見血崩

療妊娠血痢用阿膠貳兩以酒壹升半煮壹升頓服產後諸痢者煮薤白食之又方羊腎脂炒薤白空心

產後赤白痢

女科十五

卷六



食之甚佳

經治產後胎前痢疾敗龜甲壹枚米醋炙研為末醋

湯調下丹溪云龜甲大補陰治勞倦

丹婦人患墮胎後膈滿食少痢不止脉虚左手尤甚

滑石

白芍藥炒

蒼木 各伍錢

白朮 貳錢 伍分

訶子 貳錢 煨

乾薑 肆錢

茯苓 壹錢

右為細末調下保和丸肆伍拾粒

雲產後血痢臍腹疼痛四物湯加槐花黃連御米殼等藥

黃連丸 治產後赤白痢腹中攪痛不可忍

黃連 肆兩

阿膠

蒲黃

梔子仁 各壹兩

當歸 貳兩半

黃芩

黃蘗 各貳兩

右為末煉蜜丸如桐子大每服陸柒拾丸米飲吞

下日三夜

仲產後下痢虚極白頭翁加甘艸阿膠湯主之脉經作熱

白頭翁

阿膠 各貳兩

黃連

黃蘗

秦皮 各叁兩

甘草 貳兩

產後赤白痢

卷五

卷五



右以米泔升者取貳升半納膠令消盡溫分三服  
婦人臨產痢疾山梔不拘多少燒灰為細末空心溫  
熟水調下壹錢甚者不過五服

產後血痢小便不通臍腹疼痛用生馬齒莧搗汁二  
大合煎壹沸下蜜壹合調頓服

滑梅治產後血泄不禁餘血作痛兼塊桂心乾薑等分  
為末空心酒調服方寸匕

大療產後痢日五十行者取木裏蛀蟲蜚屑炒黃急  
以水沃之令稠稀得所服之即瘥

聖治產後諸痢方取蒼耳葉搗汁半盞日三四溫服

渴產後下痢作渴者水穀之精化為血氣津液以養  
臟腑臟腑虛燥故痢而渴若引飲則難止反溢水氣  
脾胃既虛不能尅水水自流溢浸漬皮膚則令人腫  
但止其渴痢則自瘥 薛前證若渴而不喜冷飲屬  
胃氣虛不能生津液宜用七味白朮散夜間發熱口  
渴屬腎水弱而不能潤宜用六味丸並佐以益氣湯  
以滋化源 一產婦瀉痢發熱作渴吐痰肌體消瘦  
飲食少思或胸膈痞悶或小腹脹墜年餘矣余以為  
脾腎之瀉朝用二神丸夕用六君子三月餘而痊  
一產婦患前證形體倦怠飲食不進與死為隣此脾



胃俱虛也用四神丸十全大補湯而愈

必効療產後痢而渴飲無度數 麥門冬叁 烏梅

貳拾 細剉水壹升煮取柒合細呷

經効療產後久痢津液涸渴不止

龍骨拾貳分 厚朴 茯苓 黃芪

麥門冬 人參各捌分 生薑陸分 大棗拾肆個 並細剉

右以水壹大升者取柴合空心分兩服

療產後痢日久津液枯竭四肢浮腫口乾舌燥錄古驗

冬瓜壹枚 黃泥糊厚伍寸煨爛熟去皮絞汁服之瘥

補遺人參白朮散治產後痢津液竭渴不止方見胎前霍亂

### 大便秘澀

郭產後大便秘澀者何答曰產卧水血俱下腸胃虛

竭津液不足是以大便秘澀不通也若過五六日腹

中悶脹者此乃燥屎在臟腑以其乾澀未能出耳宜

服麻仁丸以津潤之若誤以為有熱投之寒藥則陽

消陰長變證百出性命危矣 薛產後大便不通因

去血過多太腸乾涸或血虛火燥乾涸不可計其日

期飲食數多用藥通之潤之必待腹滿覺脹自欲去

而不能者乃結在直腸宜用豬膽汁潤之若服苦參

藥潤通反傷中焦元氣或愈加難通或通而瀉不能



正必成敗證若屬血虛火燥用加味道遙散氣血俱  
虛八珍湯慎不可用麻子杏仁枳殼之類一產婦  
大便不通七日矣飲食如常腹中如故余曰飲食所  
入雖倍常數腹不滿脹用八珍加桃仁杏仁至二十  
一日腹滿欲去用豬膽汁潤之先去乾糞五七塊後  
皆常糞而安一產婦大便八日不通用通利之藥  
中腕作痛飲食甚少或云通則不痛痛則不通乃用  
蜜導之大便不禁吃逆不食余曰此脾腎復傷用六  
君加吳茱肉果骨脂五味數劑喜其年壯而愈不然  
多致不起一產婦大便秘結小腹脹痛用大黃等

藥致吐瀉不食腹痛胸痞余用六君子加木香炮薑  
治之而愈一婦人大便秘澁諸藥不應苦不可言  
令飲人乳而愈

麻仁丸

麻仁 研如泥  
枳殼 各壹兩  
人參 各壹兩

大黃 半兩

右為末煉蜜丸如梧桐子大空心溫酒下貳拾丸  
未通漸加丸數不可太過  
評曰產後不得利利者百無一生去血過多臟燥  
大便秘澁則固當滑之太黃似難輕用唯葱涎調

產後大便秘澁



臘茶為丸復以臘茶下之必通子常用局方四物湯以生地黃易熟

地黃加青皮去白煎服甚効

本事婦人產後有三種疾鬱冒則多汗汗多則大便秘故難於用藥惟麻子蘇子粥最為穩當用紫蘇子大麻子二味各半合洗淨研極細用水再研取汁壹盞分二次煮粥啜下此粥不唯產後可服大抵老人諸虛風秘皆宜服之嘗有一人母年八十四忽爾腹痛頭疼惡心不食召醫數十議皆用補脾進食治風清利頭目等藥數日雖愈全不入食其家憂惶余辨說前藥皆誤矣此證正是老人風秘臟腑壅滯聚於

胸中則腹脹惡心不思飲食又上至於顛則頭痛神不清也若臟腑流暢諸疾悉去矣予今作此粥兩啜而氣泄先下結糞如胡椒者十餘枚後漸得通利不用藥而自愈矣

丹產後秘結不通膨滿者氣急坐卧俱難用大麥蘖炒黃為末酒下壹合神効出兵部手集



大小便不通

大產後大小便不通者腸胃本挾於熱因產血水俱下津液燥竭腸胃痞澁熱氣結於腸胃故令大小便不通也薛嘗治一產婦大小便不通諸藥不應將危矣令飲牛乳一日稍通三日而痊人乳尤善

桃花散 治膀胱氣滯血澁大小便秘

桃仁 葵子 滑石

檳榔 各等分

右為細末每服貳錢空心蔥白湯調下

療產後大小便不利下血

產後大小便不通

卷之三



產後遺尿 女科 卷五 黃芩

蒲黃

車前子 牡蠣 生地黃

芍藥 各壹兩 伍錢

右為細末空心米飲服方寸匕忌麪蒜

通氣散治產後未小便不通亦可用封臍法見前雜證大便

不通

心治婦人產後忽小腹脹如蠱大小便不通氣海三里關元三陰交陰谷主之大小便不通

遺尿

產後遺尿若脾腎虛弱用還少丹仍以補中益氣

湯為主虛寒加肉豆蔻補骨脂或四神丸若脾腎虛

寒用八味丸兼四神丸仍佐以前二方

按產後遺尿乃腎氣不固宜五味子丸主之雜病泄瀉

一產婦太便不實飲食少思或侵晨遺尿此中氣虛

寒脾腎不足用補中益氣送四神丸而痊 一產婦

小便出糞名大小腸交乃氣血俱虛失行常道先用

六君子湯二劑又用五苓散二劑而痊尋常腸交亦

可用



廣濟療產後遺糞方

取故燕窠中草燒為末以酒調下半盞亦治男子

集驗方

療產後遺糞亦治男子

礬石枯 牡蠣煨冬

右為末酒服方寸匕日三服

補遺療產後遺糞不知出時方

白飲 芍藥各等分 酒服方寸匕

補遺治產後遺糞不知覺可服固腸丸方見前雜

華佗云病人卧遺屎不覺者死

淋闕

大產後諸淋因產有熱氣客於脬中內虛則起數熱則小便澀痛故謂之淋 又有因產損氣虛則挾熱熱則搏於血即流滲於胞中故血隨小便出而為血淋淋者淋瀝之謂也 三因論曰治諸產前後淋祕其法不同產前當安胎產後當去血如其冷熱膏石氣淋等為治則一但量其虛實而用之瞿麥蒲黃最是產後要藥唯當尋究其所因則不失機要矣 薛按前證若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源也 一



產婦小水淋瀝或時自出用分利降火之劑二年不愈余以為肺腎之氣虛用補中益氣湯六味地黃丸而痊

茅根湯 治產後諸淋無問冷熱膏石氣結悉主之

白茅根 捌兩 瞿麥穗 白茯苓 各肆

葵子 人參 各貳 蒲黃

桃膠 滑石 甘艸 各壹兩

紫貝 拾枚煨 石首魚頭中石 貳拾枚燒

右剉散每服肆大錢水壹盞半薑叁片燈心貳拾莖煎至柒分去滓温服亦可為末木通煎湯調下

貳錢如氣壅閉木通橘皮煎湯調下

滑石散金 療產後淋

滑石 壹兩貳錢半研 通草 車前子

葵子 各壹兩

右為末以漿水調服方寸匕至貳匕為妙

張不愚療產後小便不通淋閉方

陳皮 壹兩去白為末 空心温酒調下貳錢一服便通

療卒不得小便方

杏仁 拾肆枚 右炒為末和飲頓服通

療產後淋小便痛及血淋

產後淋瀝 女科 卷五



白茅根

伍兩

瞿麥

車前子

各貳兩

鯉魚齒

壹百枚

通草

叁兩

冬葵子

貳合

右水貳升煮取壹升入魚齒末空心服

治產後小便不通腹脹如鼓悶亂不醒蓋緣未產之前內積冷氣遂致產時尿胞運動不順用鹽於產臍中填可與臍平却用葱白剥去麁皮拾餘根作一縛切作一指厚安鹽上用大艾炷滿蔥餅子太小以灸灸之覺熱氣直入腹內即時便通神驗不可具述

乳集

小便數

因夫產後小便數者乃氣虛不能制故也  
薛前證若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱陰虛而小便淋瀝須補肺腎  
一產婦小便頻數時復寒戰乃屬脾肺虛弱用補中益氣湯加山茱山藥為主佐以桑螵蛸散而愈後患發熱晡熱盜汗自汗月水不調用加味道遙散而安  
一產婦患前證吐痰發熱日晡作渴此膀胱陰虛用補中益氣湯以六味丸而愈又患痢後小便頻數手足俱冷屬陽

產後小便數

卷五

三



氣虛寒用前湯及八味丸而瘳

桑螵蛸散金 治產後小便數及遺尿

桑螵蛸參拾枚煨 鹿茸酥炙 黃芪各參兩

牡蠣煨 人參 厚朴 赤石脂各貳兩

右為末空心粥飲調下貳錢外臺無厚朴石脂有甘草生薑

括婁湯集 療產後小便數兼渴 桑螵蛸 甘草

並黃連各貳兩 生薑各貳兩 括婁根參兩 人參參兩 大棗伍拾枚

右細切用水柒升煮貳升半分三服忌豬肉冷水

補遺療產後小便數或遺尿 益智仁為米飲調服

小便不禁

陳婦人產尊產理不順致傷膀胱遺尿無時 丹嘗

見收生者不謹損破產婦尿脬致病淋瀝遂成廢疾

一日有徐婦年壯難產得此因思肌肉破傷在外者

宜可補完胞雖在腹恐亦可治遂診其脉虛甚示曰

難產之由多是氣虛產後血氣尤虛試與峻補因以

參芪為君芎歸為臣桃仁陳皮黃芪茯苓為佐前以

豬羊胞中湯極饑時飲之但劑小率用壹兩至二月

而安蓋令氣血驟長其胞自完恐稍緩亦難成功矣

喬町婦人產後尿不禁面微浮略發熱于午後此勝

產後小便不禁 卷之五 婦人經產 七



胎為坐婆所傷

黃芪

白朮 壹錢

甘草 多少許

歸身尾

人參

右水煎熱服之

芍藥 各壹錢半

陳皮 各伍分

薛前證若脾肺陽虛用補中益氣湯若肝腎陰虛用六味地黃丸若肝腎之氣虛寒用八味地黃丸一產婦小便不禁二年不愈面色或青赤或黃白此肝脾氣虛血熱用加味道遙散為主漸愈佐以六味地黃丸而痊後因怒小便自遺大便不實左目頓緊面色頓赤仍用前散佐以六君子湯以清肝火生肝血

培脾土而痊

廣濟療產後小便不禁

七日三服

鷄尾毛燒存性酒調下壹

千金治產後遺尿不知出

白薇

芍藥 各等分

為末酒服方寸匕日叁

又方

桑螵蛸

半兩炒

龍骨 壹兩

右為末食前粥飲調下貳錢

固脬散治婦人臨產時傷手脬被小便不禁

產後小便不禁

卷之五

三十八



產後 婦科 五

黃絲絹

自然黃者染黃者不用參尺以炭灰汁  
兩蜜壹兩白茅根貳  
錢馬屁勃末貳錢

右用冰貳升再煎至壹盞空心頓服服時飲氣服  
之不得作聲如作聲無効

補遺補脬飲 治產後傷動脬破終日不小便但淋  
濕不乾

生絲絹黃色者 白牡丹根皮木 白芨各壹

用水壹碗煎至絹爛如飴服之勿作聲作聲無効  
雞內金散 治產後溺床失禁  
以雞脰脰壹具并腸洗燒為末酒調服方寸匕

小便出血

大產後小便出血者因血氣虛而熱乘之血得熱則  
流散滲於胞內故血隨小便出 薛一產婦尿血而

黃腸脹少食此肝木乘脾土也用加味道逍遙補中益  
氣煎服而愈後為懷抱不樂食少體倦驚悸無寐血

仍作用加味歸脾湯二十餘劑將愈惑於眾論服犀  
角地黄湯諸證復作仍服前湯而愈

治小便利血方

亂髮湯洗垢  
膩淨

右燒研為末米飲調服方寸匕

產後 小便出血 文斗



又方 用滑石研 髮灰分 每服壹錢 地黄汁調下

崔氏方 療產後血滲入大小腸

蜜壹大合 車前草搗汁 壹升

右相和煎沸分兩服

補遺方治產後小便出血

川牛膝去蘆 水煎服

又方

生地黄汁半升 生薑自然汁半合

右相和服之

大便下血

薛產後便血或飲食起居或六淫七情以致元氣虧損腸絡外傷治法若因膏粱積熱用加味清胃散若因淳酒濕毒葛花解醒湯若因怒動肝火六君加芍藥柴胡芍歸若因鬱結傷脾加味歸脾湯若因思慮傷心妙香散若因大腸風熱四物加側柏荆防枳殼槐花若因大腸血熱四物加芩連若因腸胃虛弱六君加升麻柴胡若因腸胃虛寒六君加肉蔻木香若因元氣下陷補中益氣加茯苓半夏若因氣虛用六君升麻若因血虛用四物氣血俱虛用八珍俱加柴

三才大補丸



胡升麻大凡病久或元氣虛弱見病百端皆因脾胃  
虧損內真寒而外假熱但用六君子或補中益氣加  
炮薑溫補脾氣諸證悉退若四肢畏冷屬陽氣虛寒  
急加附子病因多端當臨證制宜庶無誤矣 一產  
婦糞後下血諸藥不應飲食少思肢體倦怠此中氣  
虛弱用補中益氣加吳茱炒黃連五分四劑頓止但  
怔忡少寐盜汗未止用歸脾湯治之而痊 一婦人  
但怒便血寒熱口苦或胸脇脹痛或小腹痞悶此木  
乘土用六君加山梔柴胡而愈又用補中益氣加味  
逍遙二藥而不復作 一婦人久下血在糞前屬脾

胃虛寒元氣下陷用補中益氣湯加連炒吳茱一錢  
數劑稍緩乃加生吳茱五分數劑而愈 一婦人產  
後便血口乾飲湯胸脇膨滿小腹悶墜內熱晡熱飲  
食不甘體倦面黃日晡則赤酒浙惡寒此脾肺氣虛  
先用六君加炮薑木香諸證漸愈用補中益氣將愈  
用歸脾湯全愈後飲食失節勞役兼怒氣發熱血崩  
夜間熱甚譫語不絕此熱入血室用加味小柴胡二  
劑而熱退用補中益氣而血止用逍遙散歸脾湯調  
理而康



陰脫產門不閉  
三因婦人趣產勞力努曠太過致陰下脫若脫肛狀  
及陰下挺出逼迫腫痛舉重房勞皆能發作清水續  
續小便淋露  
硫黃散 治產後勞傷陰脫  
硫黃 烏賊魚骨 各半 五味子 貳錢  
右為末摻患處  
桃仁膏 治產後陰腫妨悶  
桃仁 去皮 枯礬 五倍子 各等分  
右以下二味為末研桃仁為膏拌勻傅之

陰脫產門不閉

三因婦人趣產勞力努曠太過致陰下脫若脫肛狀

及陰下挺出逼迫腫痛舉重房勞皆能發作清水續

續小便淋露

硫黃散 治產後勞傷陰脫

硫黃 烏賊魚骨 各半 五味子 貳錢

右為末摻患處

桃仁膏 治產後陰腫妨悶

桃仁 去皮 枯礬 五倍子 各等分

右以下二味為末研桃仁為膏拌勻傅之



硫黃湯 治產勞玉門開而不閉

硫黃 肆兩

吳茱萸

兔絲子 各壹兩半

蛇床子 兩

右每服肆錢水壹椀煎數沸濾滓洗玉門日再洗

熨法

單炒蛇床子乘熱布裏熨患處亦治產後陰痛

當歸散 治陰下脫

當歸

黃芩 各貳兩

芍藥 壹兩半

蛭皮 燒存性 半兩

牡蠣 煨貳兩半

右為末每服貳錢溫酒米湯任意調下忌登高舉重

丹溪 一婦人三十餘歲生女二日後產戶一物如手

帕下有帕尖約重壹斤予思之此因胎前勞乏傷氣

成肝痿所致却喜血不甚虛其時歲暮天寒恐冷乾

壞子急與炙黃芪半錢人參壹錢白朮伍分當歸壹

錢半升麻五分二貼連服之即收上得汗通身乃安

但下裔沾席處乾者落一片約五六兩重蓋脂膜也

食進得眠診其脉皆瀼左略弦視其形却實與白朮

芍藥各錢半陳皮壹錢生薑壹片煎一二貼以養之

一婦人產子後陰戶中下一物如合鉢狀有二歧

其夫來求治予思之此子宮也必氣血弱而下墜遂

其夫來求治予思之此子宮也必氣血弱而下墜遂



用升麻當歸黃芪大料二貼與之半日後其夫復來  
曰服二次後覺響一聲視之已收陰戶訖但因經宿  
乾着席上破一片如掌心大在席其妻在家哭泣恐  
傷破不可復生予思之此非腸胃乃糟粕也肌肉破  
尚可復完若氣血充盛必可生蒲遂用四物湯加入  
參與一百貼三年後復有子 治子宮下用黃芪壹  
錢半人參壹錢當歸柒分升麻叁分甘草貳分作一  
貼水壹鍾煎空伍分去滓食前服却用五倍子末泡  
湯洗又用末傅之如此數次宜多服藥永不下  
薛玉門不閉氣血虛弱也用十全大補湯腫脹炊痛

肝經虛熱也加味逍遙散若因憂怒肝脾氣血傷也  
加味歸脾湯若因暴怒肝火血傷也龍膽瀉肝湯  
一產婦玉門不閉發熱惡寒用十全大補加五味子  
數劑而寒熱退用補中益氣加五味子數劑而玉門  
閉一婦人脾胃素弱兼有肝火產後玉門腫痛寒  
熱作渴嘔吐不食外敷大黃等藥內用驅利之劑腫  
及於臀諸證蜂起此真氣虛而邪氣盛也先用六君  
子以固腸胃次用補中益氣以升陽氣不數劑而全  
愈一產婦患此失治腫潰不已形體消瘦飲食少  
思朝寒暮熱自汗盜汗半年矣用補中益氣湯加茯



外

苓半夏膿水漸少飲食漸進又用歸脾湯共五十餘劑而愈一產婦玉門不閉小便淋瀝腹內一塊攻走腸下或脹或痛用加味逍遙散加車前子而愈一婦人子宮腫大二日方入損落一片殊類豬肝面黃體倦飲食無味內熱晡熱自汗盜汗用十全大補湯二十餘劑諸證悉愈仍復生育

治產後陰腫下脫肉出玉門不閉

石灰壹升炒湯極熱

貳升投灰中適温冷澄清坐水中以浸玉門斯須平復如故又方以鐵精粉上推肉之又灸臍下橫紋伍米壯

一法用鐵精羊脂二味攪令稠布裹炙熱熨推肉之

鐵精是鍛鐵爐中飛出如塵紫色而輕虛可以坐磨器血者

子母療產後陰下脫燒兔頭末傳之

補遺治產後生腸不收用枳殼煎湯浸良久即入

又方五倍子白礬煎湯浸亦良又方酸篤草俗

名老鴟酸煎湯用草坐不開孔纜薰收一半稍温

下手洗並收入而安

又方子宮脫出以温水洗軟却用雄鼠糞燒烟熏入

又法草麻子拾肆粒去殼搗爛塗頂心如入即洗去

產後陰脫玉門不閉

十五



針灸

東婦人胞胎門落<sub>不</sub>收常濕

神關 玉泉<sub>伍拾</sub>

身交<sub>臍下指縫中灸</sub>

又法 玉泉傍開三寸<sub>隨</sub>

<sub>年壯</sub> 女人陰門冷腫

飯來<sub>參拾</sub>

甲婦人陰挺出四肢淫樂身悶少海主之<sub>照海</sub>

陰中肉線

一婦產後水道中出肉線壹條長三四尺

動之則痛欲絕先服失笑散數次以帶皮薑叁斤研爛入清油貳斤煎油乾為度用絹兜起肉線屈曲于水道邊以前薑熏之冷則熨之一日夜縮其大半二日即盡入再服失笑散等歸湯調理之如肉線斷則不可治矣

陰蝕

大凡婦人少陰脉數而滑者陰中必生瘡名曰蠹瘡或痛或痒如蟲行狀淋露膿汁陰蝕幾盡者此皆由心神煩鬱胃氣虛弱致氣血留滯故經云諸痛痒瘡皆屬於心又云陽明主肌肉痛痒皆屬於心治之當補心養胃外以薰洗坐導藥治之乃可 薛前證乃肝脾鬱結之證木旺生蟲耳宜解鬱清肝備見前雜證陰中生瘡類 一產婦素有肝火患此內潰痒痛食少熱渴小便淋瀝用加味道遙散加味歸脾湯兼服間以蘆薈丸外以鶴虱草煎洗而愈

陰蝕

卷五

百二十二



千金方 蒲黃 壹兩 水銀 壹兩 二味研勻以粉上

又方 肥豬肉拾斤水壹碩煮水浸冷即易不過三

兩度

洗搨湯方

甘草

乾漆

黃芩

乾地黄

當歸

芍藥

龜甲伍兩

右細切以水柒升煮耗一半以綿帛內湯中以搨

瘡處良久即易日二度每搨湯可人行十里許即

裏乾捻取甘濕散薄傅瘡上使遍可經半日又以

湯搨訖如前傅藥 余家婢遇此疾醫療不差

蝕處作兩瘡深半寸余因檢得此方仍以自處蟬

蛇膽散不經七日瘡乃平復甚効凡浴數十人應

手而瘥請廣布之

甘濕散 又名蟬蛇膽散 療疔蟲陰蝕

蟬蛇膽 真者

青木香

石硫黃

鐵精

麝香

利蛇膽即無力也舊用五月五日蟻窠

右陸味各等分爲末更細研有患取如三棊子和

井花水日再服先令便利了即以後方桃枝熏

產後陰蝕



下部訖然後取如碁子安竹管裏吹入下部中亦用再度老少量減其熏法每日壹度不用再為之良

療疳蟲蝕下部及五臟方 取桃東南枝參米枚輕槌頭使散以綿纏之又搗石硫黃為末將此綿纏桃枝燃轉之令末少厚又截壹短竹筒先內下部中以所燃藥桃枝熟燃熏之  
文仲療陰蝕欲盡者方 以蝦蟇兔屎等分為末傳之良

狼牙湯 古今錄驗

療婦人陰蝕其中爛傷膿水淋漓臭

穢

狼牙 參兩

右吹咀以水肆升煮取半升去滓內苦酒如雞子中黃大沸湯壹盃消盡夜適寒温以綿纏筋頭大如繭濡湯以瀝瘡中日四五度即瘥

補遺治產後陰戶生瘡

青黛

黃丹

水粉

五倍子 等分為末

用賣肉鋪上拭肉中燒為末和前藥先以荆芥薄荷栢葉煎湯洗之後摻藥如瘡乾可用油調末塗

產後陰蝕

并五

頁八



乏

又方 平胃散加貫衆末每貳錢熟煮豬肝拌藥內  
陰戶中

蘇... 中... 式... 然... 然...

乳少

因凡婦人乳汁或行或不行者皆由氣血虛弱經絡  
不調所致也乳汁勿令投於地蟲蟻食之令乳無汁  
若乳盈溢可潑東壁上佳或有產後必有乳若乳雖  
脹而產後畧作者此年少之人初經產乳有風熱耳  
須服清利之藥則乳行若累經產而無乳者亡津液  
故也須服滋溢之藥以動之若雖有乳却又不甚多  
者須服通經之藥以動之仍以羹臙引之蓋婦人之  
乳資於衝脉與胃經通故也有屢經產而乳汁常多  
者亦婦人血氣不衰使然也太抵婦人素有疾在衝

產多乳少

卷十五

乳少



盛者服之

任經者乳汁少而其色帶黃所生之子怯弱而多疾  
三因產婦有二種乳脉不行有氣血盛而壅閉不  
行者有血少氣弱澁而不行者虛當補之盛當疎之  
盛者當用通草漏蘆土瓜根葷虛者當用煉成鐘乳  
粉豬蹄鯽魚之屬槩可見矣 睡前證若氣血虛弱  
而不能化生宜壯脾胃怒動肝膽而乳腫汁出宜清  
肝火夫乳汁乃氣血所化在上為乳在下為經若屢  
產無乳或大便澁滯當滋化源  
漏蘆散 療乳婦氣脉壅塞乳汁不行及經絡凝滯  
妳乳脹痛留蓄邪毒或作癰腫此藥服之自然內

消乳汁通行

漏蘆

貳兩半

蛇蛻

拾條

瓜萋

拾枚急火燒焦存性

右為末温酒調下貳錢無時候服藥後即以豬蹄  
羹投之經驗方有牡蠣燒存性 一方只用牡蠣

煨末酒調

又方

葵菜子

炒香

縮砂仁

各等分

右為細末每服貳錢熱酒調下滋益氣脉榮衛行  
津液止蔡張不愚方常用極有驗

產寶療產後乳無汁方

產後

乳少

方

卷五

百九



土瓜根

通草

肆兩

漏蘆

各參兩

甘州

貳兩

右水搗升煎取貳升分温參服忌如常法  
加桂心並為末酒服方寸匕

產書下乳汁

土瓜根為末酒調服壹錢日三四服

下乳汁以京三稜參個水貳碗煎取壹碗洗取汁下

為度極妙

湧泉散 成都教授單驤方療產乳無汁亦治乳結

癰腫

穿山甲

洗淨壹兩 灰炒燥

為細末酒調服方寸匕

必用方云漏蘆括萋皆要藥或云多食豬蹄羹括

萋取子淨洗炒令香熟槌破取仁瓦上攤浥令白

色研為細末温酒調下壹錢服了合面卧少時末

効再作一方瓜萋壹枚熟搗以白酒壹斗煮取肆

升去滓温飲壹升日叁

成煉鍾乳散

療乳婦氣少血衰脉澁不行乳汁絕

少

成煉鍾乳粉

研細

濃煎漏蘆湯調下貳錢

靈苑下乳汁立効方

虛者補之



粳米

糯米各半

苡苳子壹合並

生甘草半兩

用冰貳升煎汁壹升去滓分參服立下

又方 豬蹄壹隻通草肆兩水壹斗煮作羹食之妙

薛一產婦因乳少服藥通之致乳房腫脹發熱作渴

余謂血氣虛以玉露散補之而愈

玉露散 治乳脉不行身體壯熱疼痛頭目昏痛大

便澁滯等證

川芎

桔梗

白芷各貳錢

芍藥

當歸各壹錢半

人參

白茯苓

甘州各壹錢

右作一服米貳鍾煎至壹鍾食後服如頭熱甚大

便秘者加大黃參錢

羅氏湧泉散 治婦人乳汁因氣絕少

瞿麥穗

麥門冬去心 龍骨

穿山甲

炮黃 王不留行各等分

右為細末每服壹錢執酒調下後吃豬蹄羹少許

又用木梳於左右乳上各梳參貳拾梳日三服依

前法

又方治妳汁少



瓜蒌根

薄荷幹身 等分

右為粗末先喫羊蹄汁壹碗次服藥後再喫葱絲羊羹湯少許出効

有入乳汁不行已十七日諸藥無効遇有入送赤豆一斗遂時常煮粥食之當夜乳脉通行

又方 麥門冬不拘多少去心焙為末以酒磨犀角約壹錢許煖犀角酒調門冬末貳錢服之不過兩服乳汁便下

乳汁自出

大產後乳汁自出蓋是身虛所致宜服補藥以止之

若乳多温滿急痛者温帛熨之產寶有是論却無方以治之若有此證但以漏蘆散亦可 有未產前乳汁自出者謂之乳泣生子多不育經書未嘗論及薛前證氣血俱虛用十全大補湯肝經血熱用加味逍遙散肝經怒火用四物參朮柴梔肝脾鬱怒用加味歸脾湯 一產婦勞役忽乳汁如涌昏昧吐痰此陽氣虛而厥也灌以獨參湯而甦更以十全大補湯數劑而安若婦人氣血方盛乳房作脹或無兒飲脹痛增寒發熱用來麥芽二三兩炒熟水煎服立消其耗散血氣如此何脾胃虛弱飲食不消方中多用之

產後乳自出 然

百七



產後  
漏蘆散

見前

吹妳

大產後吹妳者因兒喫妳之次兒忽自睡呼氣不通乳不時洩蓄積在內遂成腫硬壅閉乳道津液不通傷結疼痛亦有不痒不痛腫硬如石名曰吹妳若不急治腫甚成癰產後吹妳最宜急治不爾結癰速至死者速服皂角散括蘆散傳以天南星散以手揉之則散矣  
薛前證用藥切不可損其氣血餘詳外科乳癰條  
括蘆散方

乳香

壹錢研

括蘆實

壹个

研勻温酒煎服

天南星散

南星

為末

温湯調以鷲翎蘸塗患處

皂角散

歌曰

婦人吹妳治如何皂角燒灰蛤粉和熱酒壹杯調  
搦字須臾揉散笑呵呵

治妳結硬疼痛

百藥煎為細末每服叁錢酒壹盞煎數沸熱服

乳硬作痛

嫩桑葉生研以米飲調攤紙花貼腫處

補遺治產後吹妳結實腫痛

用陳皮

壹兩

甘州

壹錢

水貳碗煎至壹碗分兩服

產後吹妳乳

女科十五

百九十五



次用荆芥羌活獨活前湯熏洗即散

妬乳

夫妬乳者由新產後兒未能飲之及乳不洩或乳脹捏其汁不盡皆令乳汁蓄結與血氣相搏即壯熱大渴引飲牢強掣痛手不得近是也初覺便知以手捋捏去汗更令傷人助吮引之不爾或作瘡有膿其熱勢盛必成癰也輕則為吹乳妬乳重則為癰雖有專門不可不知

連翹湯 治產後妬乳并癰

連翹

升麻

芒硝

玄參

芍藥

白斂

防風

射干

大黃

杏仁

甘草

各壹錢

右作一服水貳鍾煎至壹鍾食後服

療產後婦乳初結脹不消令敗乳自退方

瓜蒌

壹箇半 生半炒

大粉草

壹寸半 生半炙

生薑

壹塊半 生半煨

右同剉用酒壹椀煮取壹盞去滓服之其痛一會不可忍即搜去敗乳臨臥再一服順所患處乳側卧於床上令其藥行故也

療產後吹乳作癰

產後妬乳

女科

百九



葵莖及子

右擣篩為散酒服方寸匕即愈

又方雞屎乾為末酒服方寸匕須臾三服愈

又方皂角拾條以酒壹升採取汁消石半兩煎成

膏傳之

療乳腫將次結成癰方右以馬溺塗之立愈

補遺療產後吹妳妬妳但未結成癰或成癰未作有

膿者

蔓荊子搗爛酒服仍以滓敷患處

又方用赤小豆酒研爛温酒服滓封患處

乳頭小瘡  
換之  
采出

又方仙人掌壹握小酒糟壹塊生薑壹大塊同研

爛入桂末少許炒酒服留滓罨患處

集驗論曰凡婦人女子乳頭生小淺熱瘡搔之黃汁

出浸淫為長百種療不差者動經年月名為妬乳病

婦人飲兒者乳皆欲斷世謂苟抄乳是也宜以赤龍

皮湯及天麻湯洗之傳一物飛鳥膏及飛鳥散佳始

作者可傳以黃芩漏蘆散黃連胡粉散並佳

赤龍皮湯

槲皮卷升切

右以水壹斗煮伍升夏冷用秋冬

温之分以洗乳



天麻湯

天麻草伍升切

右以水壹斗半前取壹斗隨寒

温分洗乳以殺痒也此草葉如麻葉冬生夏着花

赤如鼠尾花亦以洗浸淫黃爛熱瘡痒疽濕陰蝕

瘡小兒頭瘡洗畢傅膏散

飛鳥膏散方

用燒朱砂作水銀上黑烟名維粉者參兩磬石燒粉

右二味以絹篩細以甲煎和之令如脂以傅乳瘡

日三作者不須和有汁自着可用散亦傅諸熱瘡

黃爛浸淫汁瘡蜜瘡丈夫陰蝕痒濕諸小兒頭瘡

疔蝕口浸淫瘡蝸瘡等並以此傅之

又黃連胡粉膏散方

黃連貳兩

胡粉貳兩半

水銀壹兩同研

右參味搗黃連為末參物相和皮裏熟按之自和

合也縱不成一家且得水銀細散入粉中以傅乳

瘡諸濕痒黃爛肥瘡若着甲煎為膏千金同

補遺婦人乳頭小淺瘡爛痒以芙蓉花或葉乾為末

摻之又有婦人乳頭裂痛取秋後冷落茄子花裂

開者陰乾燒存性水調塗之



寛文十三年癸丑仲秋吉辰

銅駝坊書肆

村上平樂寺刊行



